



Bosnia and Herzegovina
Federation of Bosnia and Herzegovina

CANTON SARAJEVO
Ministry for Education, Science and Youth

Broj: 11/04-34-35304/20
Sarajevo, 15.09.2020. godine

Na osnovu član 144. stav 7. Zakona o srednjem obrazovanju ("Službene novine Kantona Sarajevo", broj: 23/17 i 30/19), Pravilnika o izboru, nadležnostima i načinu rada školskih odbora srednjih škola Kantona Sarajevo ("Službene novine Kantona Sarajevo" broj: 42/17) i Pravilnika o izmjenama i dopunama Pravilnika o izboru, nadležnostima i načinu rada školskih odbora srednjih škola Kantona Sarajevo („Službene novine Kantona Sarajevo“, broj: 23/18), a u skladu sa Zakonom o ministarskim, vladinim i drugim imenovanjima Federacije BiH ("Službene novine Federacije Bosne i Hercegovine", br. 12/03, 34/03 i 65/13), ministar za obrazovanje, nauku i mlade Kantona Sarajevo raspisuje:

JAVNI KONKURS
ZA IZBOR I IMENOVANJE NA POZICIJE PREDSEDNIKA I ČLANOVA U ŠKOLSKIM
ODBORIMA SREDNJIH ŠKOLA KAO JAVNIH USTANOVA NA PODRUČJU KANTONA
SARAJEVO

I

U Školski odbor srednje škole, srednjoškolskog i školskog centra kao javne ustanove sa područja Grada, biraju se:

1. Predstavnik osnivača – Ministarstva za obrazovanje, nauku i mlade Kantona Sarajevo (u daljem tekstu: Ministarstvo) - (predsjednik) 1 član
2. Predstavnik Grada 1 član
3. Predstavnik roditelja učenika 1 član
4. Predstavnik radnika škole 1 član.

U Školski odbor srednje škole, srednjoškolskog i školskog centra kao javne ustanove izvan područja Grada, biraju se:

1. Predstavnik osnivača - Ministarstva (predsjednik) 1 član
2. Predstavnik općine na čijem području se škola nalazi 1 član
3. Predstavnik roditelja učenika 1 član
4. Predstavnik radnika škole 1 član.

Izuzetno, u školski odbor srednje škole, srednjoškolskog i školskog centra kao javne ustanove koju je osnovala vjerska zajednica odnosno crkva samostalno ili sa drugim pravnim ili fizičkim licem, biraju se:

1. Predstavnik osnivača 1 član



web: <http://mon.ks.gov.ba>
e-mail: mon@mon.ks.gov.ba
Tel: + 387 (0) 33 562-128,
Fax: + 387 (0) 33 562-218

Sarajevo, Reisa Džemaludina Čauševića 1



2. Predstavnik Ministarstva 1 član
3. Predstavnik roditelja učenika 1 član
4. Predstavnik radnika škole 1 član.

Školski odbori biraju se za slijedeće pozicije u srednjim školama s područja Grada/općine:

Red. br.	Naziv škole	Upraznjene pozicije u školskom odboru
1.	JU DRUGA GIMNAZIJA SARAJEVO	Roditelj
2.	JU ŽELJEZNIČKI ŠKOLSKI CENTAR	Roditelj
3.	JU PRVA BOŠNJAČKA GIMNAZIJA	Roditelj Ministarstvo
4.	JU SREDNJA MEDICINSKA ŠKOLA – JEZERO SARAJEVO	Grad Roditelj
5.	JU ŠKOLA ZA SREDNJE STRUČNO OBRAZOVANJE I RADNO OSPOSOBLJAVANJE	Roditelj
6.	JU GAZI HUSREV-BEGOVA MEDRESA	Roditelj
7.	JU SREDNJA ŠKOLA ZA TEKSTIL, KOŽU I DIZAJN	Roditelj
8.	JU SREDNJA MAŠINSKA TEHNIČKA ŠKOLA	Roditelj
9.	JU SREDNJOŠKOLSKI CENTAR „NEDŽAD IBRIŠIMOVIĆ“ ILIJAŠ	Radnik
10.	JU PRVA GIMNAZIJA SARAJEVO	Roditelj
11.	JU ČETVRTA GIMNAZIJA	Roditelj
12.	JU SREDNJA ŠKOLA ZA OKOLIŠ I DRVNI DIZAJN	Radnik
13.	JU CENTAR ZA SLIJEPU I SLABOVIDNU DJECU I OMLADINU	Grad
14.	JU SREDNJA ELEKTROTEHNIČKA ŠKOLA SARAJEVO	Roditelj
15.	JU SREDNJA UGOSTITELJSKO-TURISTIČKA ŠKOLA	Roditelj
16.	JU SREDNJA MUZIČKA ŠKOLA SARAJEVO	Ministarstvo

II

OPIS POZICIJA:

Školski odbor: donosi pravila škole; godišnji program rada srednje škole za tekuću godinu i izvještaj o realizaciji godišnjeg programa rada za prethodnu godinu; finansijski plan i usvajanje godišnjeg obračuna; opće akte o unutrašnjoj organizaciji i sistematizaciji radnih mjesta i drugih općih akata u skladu sa relevantnim propisima; program rada i izvještaj o radu koji podnosi osnivaču; imenuje i razrješava direktora, zaključuje ugovor o radu i prestanku rada direktora srednje škole; imenuje komisije u skladu sa relevantnim propisima; odlučuje o korištenju sredstava preko iznosa određenog relevantnim propisima; rješava žalbe i prigovore uposlenika na rješenje o ocjeni rada i drugim pravima, obavezama i odgovornostima iz radnog odnosa; rješava žalbe učenika, odnosno roditelja ili stratatelja učenika na odluku o izricanju odgojno-disciplinske mjere iz člana 109. Zakona; utvrđuje prijedlog plana upisa učenika u prvi razred; verificira konačnu listu primljenih učenika u prvi razred; rješava o žalbama i prigovorima koji se odnose na rad direktora srednje škole.

Školski odbor je nadležan za odlučivanje u drugom stepenu po žalbama i prigovorima na odluke direktora srednje škole na koje je dopuštena žalba ili prigovor, posebno po žalbama i



web: <http://mon.ks.gov.ba>
 e-mail: mon@mon.ks.gov.ba;
 Tel: + 387 (0) 33 562-128,
 Fax: + 387 (0) 33 562-218
 Sarajevo, Reisa Džemaludina Čauševića 1



prigovorima koji se odnose na rad nastavnika, stručnih i drugih saradnika; usmjerava, kontrolira i ocjenjuje rad direktora; razmatra prijedloge odluka, preporuke i prijedloge koji se upute školskom odboru i preuzima odgovarajuće mjere; rješava sva pitanja odnosa s osnivačem, razmatra i odobrava službena putovanja direktoru škole, u vanrednim situacijama kada je direktor spriječen da obavlja dužnost, uz saglasnost Ministarstva, imenuje nastavnika ili stručnog saradnika koji ispunjava uvjete za direktora koji će, pored svojih poslova, obavljati i poslove i radne zadatke direktora, sve dok traje ta spriječenost, utvrđuje konačnu rang listu radnika koji su djelimično ili potpuno ostali bez radnih zadataka, na osnovu saglasnosti Ministarstva na prijedlog direktora donosi odluku o raspisivanju konkursa/oglasa za prijem pripravnika, vrši i druge poslove u skladu sa Zakonom i pravilima srednje škole.

III

Kandidat mora ispunjavati slijedeće opće uvjete:

1. Da je stariji od 18 godina.
2. Da nije otpušten iz državne službe kao rezultat disciplinske mjere na bilo kojem nivou u BiH
(bilo na nivou države ili entiteta), u periodu od tri (3) godine od dana objavljivanja upražnjene pozicije.
3. Da se na tog kandidata ne odnosi član IX Ustava Bosne i Hercegovine i član 5. Zakona o ministarskim, vladinim i drugim imenovanjima u F BiH.
4. Da nije osuđivan za krivično djelo i privredni prijestup nespojive sa dužnošću u školskom ili nadzornom odboru javne ustanove.
5. Da nije izabrani zvaničnik, nosilac izvršnih funkcija ili savjetnik u smislu Zakona o sukobu interesa u institucijama vlasti BiH.
6. Da nije izabran u organe zakonodavne, izvršne i sudske vlasti; organe i tijela političkih partija i da nije državni službenik iz Ministarstva za obrazovanje, nauku i mlade Kantona Sarajevo.
7. Da nije član u više od jednog upravnog/školskog/nadzornog odbora.
8. Da nije u bilo kakvoj rodbinskoj vezi do drugog stepena sa bilo kojim radnikom škole u koju je konkurisao.
9. Da nije direktor ili pomoćnik direktora škole registrirane u Kantonu.
10. Da ima najmanje pet godina radnog staža, nakon sticanja diplome.

IV

Pored općih uvjeta, kandidat koji se imenuje na poziciju predsjednika ili člana školskog odbora,

obavezno ispunjava i sljedeće posebne uvjete:

- a. Predstavnik osnivača kojeg predlaže Ministarstvo (predsjednik školskog odbora), odnosno predstavnik Grada ili općine u skladu sa članom 142., st. (1) i (2):
 1. mora imati najmanje VII stepen stručne spreme ili prvi ciklus studija po bolonjskom procesu,
 2. ne može biti radnik te škole,
 3. ne može biti roditelj učenika koji pohađa tu školu,

b. predstavnik radnika:



web: <http://mon.ks.gov.ba>
e-mail: mon@mon.ks.gov.ba
Tel: + 387 (0) 33 562-128,
Fax: + 387 (0) 33 562-218
Sarajevo, Reisa Džemaludina Čauševića 1



1. mora imati najmanje VII stepen stručne spreme ili prvi ciklus studija po bolonjskom procesu,
2. ne može biti roditelj učenika koji pohađa tu školu.

c. predstavnik roditelja:

1. mora imati najmanje VII stepen stručne spreme ili prvi ciklus studija po bolonjskom procesu,
2. ne može biti radnik te škole,
3. mora biti roditelj učenika koji pohađa tu školu.

V

Kandidati su, uz potpisani Prijavni obrazac, dužni dostaviti sljedeće dokumente:

1. Kratku biografiju,
2. Rodni list (original ili ovjerena kopija),
3. Univerzitetsku diplomu o završenom najmanje VII stepenu stručne spreme ili prvom ciklusu studija po bolonjskom procesu (ovjerena kopija, format A4),
4. Da ima najmanje pet godina radnog staža, nakon sticanja diplome,
5. Potvrda o radnom stažu (original),
6. Izjavu o ispunjavanju uvjeta iz člana III, tačke 2., 3., 4. 5., 6., 7., 8. i 9. ovog javnog konkursa, ovjerenu kod nadležnog općinskog organa,
7. Obrazac za pitanja o eventualnom sukobu interesa/smetnji za imenovanje.

Kandidati za članove školskog odbora iz reda radnika i roditelja su dužni dostaviti dokaz o tom statusu (potvrda iz škole).

Predsjednika i članove Školskog odbora imenuje Vlada Kantona Sarajevo. Mandat predsjednika i članova školskog odbora traje četiri (4) godine, sa mogućnošću jednog reizbora.

Za Vladu Kantona Sarajevo, obavezujući su prijedlozi za imenovanje predstavnika roditelja i zaposlenika škole, koje u skladu sa važećim propisima izaberu nadležne strukture.

VI

Prijava za člana Školskog odbora, Izjava o ispunjavanju uvjeta i Obrazac za pitanja o eventualnom postojanju sukoba interesa, može se preuzeti u šalter-sali Kantona Sarajevo (Ul. Reisa Džemaludina Čauševića br. 1, Sarajevo) i na web stranici Ministarstva za obrazovanje, nauku i mlade Kantona Sarajevo (www.mon.ks.gov.ba).

Prijava, Izjava i Obrazac se dostavljaju najkasnije 15 (petnaest) dana od dana zadnjeg objavljivanja („Službene novine Federacije BiH“), lično ili poštom preporučeno sa naznakom «prijava na javni konkurs za Školski odbor JU " _____ »-

Upisati naziv ustanove

ne otvaraj - otvara Komisija», na adresu Ministarstva za obrazovanje, nauku i mlade Kantona Sarajevo: ulica Reisa Džemaludina Čauševića 1.

Sve dokumente potrebno je priložiti u originalu ili fotokopiji ovjerenoj kod nadležne općinske službe.

Dokumentacija dostavljena na Javni konkurs se ne vraća.

Komisija zadržava pravo da ostale dokaze u vezi sa datom Izjavom zatraži naknadno i ukoliko aplikant u roku od najkasnije 15 dana od dana traženja dokaza iste ne dostavi smatrat će se da nije dostavio potpunu dokumentaciju.



web: <http://mon.ks.gov.ba>
e-mail: mon@mon.ks.gov.ba
Tel: + 387 (0) 33 562-128,
Fax: + 387 (0) 33 562-218
Sarajevo, Reisa Džemaludina Čauševića 1



Konkurs će biti objavljen u jednom dnevnom listu i „Službenim novinama Federacije Bosne i Hercegovine“.

Konkurs ostaje otvoren petnaest (15) dana od dana posljednjeg javnog objavljivanja.

Nepotpune i neblagovremene prijave neće biti razmatrane.

Procedura obrade aplikacija i objedinjavanja prijedloga provest će se u skladu sa čl. 2. i 4. Pravilnika o izboru, nadležnostima i načinu rada školskih odbora srednjih škola Kantona Sarajevo i Pravilnika o izmjenama i dopunama Pravilnika o izboru, nadležnostima i načinu rada školskih odbora srednjih škola Kantona Sarajevo.

Predsjednik i članovi školskog odbora će svoje dužnosti obavljati na dobrovoljnoj osnovi i bez bilo kojeg vida nadoknade.

Svi kandidati koji ispunjavaju propisane uslove bit će pozvani na intervju pred Komisijom za izbor.

Nakon provođenja procedure kandidati koje Komisija za izbor, bude smatrala najuspješnijim bit će predloženi za imenovanje.

Komisiju za izbor imenuje Odgovorni javni službenik, posebnim rješenjem, na način utvrđen Zakonom o ministarskim, vladinim i drugim imenovanjima Federacije Bosne i Hercegovine.



web: <http://mon.ks.gov.ba>
e-mail: mon@mon.ks.gov.ba;
Tel: + 387 (0) 33 562-128,
Fax: + 387 (0) 33 562-218
Sarajevo, Reisa Džemaludina Čauševića 1



